



Broj: 121/3- 04/23

Datum: 06.04.2023.godine

**UPRAVA ZA INDIREKTNO-NEIZRAVNO OPOREZIVANJE  
KABINET RAVNATELJA  
n/r dr. Miro Džakula, ravnatelj**

**PREDMET: Postupanje po zaključcima, traži se**

Poštovani,

dana 27.10.2021. godine održan je sastanak između menadžmenta Uprave za indirektno - neizravno oporezivanje i predstavnika Sindikata UIO, pri čemu je sačinjen Zapisnik sa zajedničkog sastanka broj 01-50-5-416-18/21 od 11.11.2021. godine.

Na sastanku je doneseno devet zaključaka, i to:

1. Vijeće za mirno rješavanje spora, u skladu sa svojim zaključcima treba da uputi pismeni akt Sindikatu i poslodavcu, sa prijedlozima za eventualno rješavanje spornih pitanja u vezi sa najavom i ulaskom u štrajk.
2. Da se izrade akti prema Savjetu ministara, koji bi bili zajednički prijedlog UIO i Sindikata, vezano za: podizanje osnovice za platu, urgencija na donošenje izmjena Odluke o naknadama za odvojeni život, smještaj, prevoz i privremeni raspored i prijedlog izmjene Zakona o platama i naknadama kojim bi se izdvojili zaposleni u UIO i za koje bi se utvrdili realni koeficijenti, uz obrazloženje da se radi o specifičnoj instituciji, u čijoj nadležnosti je drugačija priroda posla u odnosu na ostale institucije i agencije, uz isticanje svih aktivnosti i rezultata koje postiže UIO, sa posebnim osvrtom na prihode koje UIO naplati.
3. Imenovati Radnu grupu za izradu novog Pravilnika o premještanju zaposlenih u UIO, u koju će biti uključeni i predstavnici Sindikata.
4. Izraditi rješenje o izmjeni i dopuni Rješenja o imenovanju Radne grupe za izradu Pravilnika o unutrašnjoj organizaciji u UIO, na način da se u Radnu grupu, pored postojećih članova imenuje više predstavnika Sindikata UIO.
5. Izvršiti analizu odredbi Pravilnika o disciplinskoj i materijalnoj odgovornosti zaposlenih u UIO koje regulišu učešće predstavnika Sindikata u disciplinskim postupcima i shodno utvrđenom sačiniti objašnjenje kojim će se detaljno pojasniti postupanje predstavnika Sindikata i disciplinske komisije vezano za učešće predstavnika Sindikata u disciplinskom postupku.
6. Imenovati Komisiju za izradu novog Pravilnika o ovlaštenjima i ovlaštenim službenim licima, u koju će biti uključeni i predstavnici Sindikata UIO.
7. Aktivnosti na izradi Pravilnika o službenom odijelu zaposlenih u UIO završiti do 31.3.2022. godine, a o svim pojedinostima blagovremeno upoznavati i Sindikat.
8. Na internoj stranici UIO objavljivati spisak zaposlenih kojima su dodijeljene novčane nagrade u skladu s Pravilnikom o novčanoj nagradi zaposlenih u UIO.
9. Preduzeti sve neophodne aktivnosti kako bi se obezbijedila potpuna ispravnost službenih vozila koja koriste zaposleni prilikom obavljanja službenih dužnosti.

Podsjećamo da, i pored dogovora i zakonske obveze temeljem članka 94. Zakona o radu u institucijama BiH ("Službeni glasnik BiH", br. 26/04, 7/05, 48/05, 50/08, 60/10, 32/13 i 93/17), veliki broj gore navedenih pitanja nije realiziran, niti Sindikat ima saznanja u kojoj su fazi rješavanja zaključci sa održanog sastanka, i to:

**Zaključak broj 2:**

Iako su predstavnici Sindikata bili uključeni u Radnu grupu za izradu prijedloga izmjena Zakona o plaćama i naknadama – dokument u nacrtu nije dostavljen Sindikatu na davanje suglasnosti, niti znamo da li je upućen u proceduru i u kojoj formi?!

Podsjećamo, Sindikat je dao svoje prijedloge, izradio je i izdvojen prijedlog Zakona o plaćama i naknadama za zaposlene u UINO, te bez obzira što je i predsjednica Sindikata bila imenovana za jednog od koordinatore u ovoj Radnoj grupi, isključena je u potpunosti iz svih aktivnosti, a koordinator ispred institucije (Sandra Demirović), postupala je samostalno i nije nas upoznala s prijedlogom izmjene Zakona, niti znamo je li upućen u proceduru donošenja?!

**Zaključak broj 3:**

Kada je riječ o Pravilniku o premještanju Sindikat je imenovao svog predstavnika, ali Nacrt Pravilnika nikada nije upućen Sindikatu na očitovanje, niti znamo u kojoj je fazi rješavanja?!

**Zaključak broj 4:**

Isto se odnosi i na Nacrt Pravilnika o unutrašnjoj organizaciji. Naime, predstavnici Sindikata koji su uključeni u Radnu grupu pozvani su dva puta, a daljnje aktivnosti su završene bez uključivanja Sindikata. Na naše traženje, Kabinet nam je 10.3.2023. godine dostavio zadnju verziju upućenu u daljnju proceduru, na koju smo se očitovali i dali svoj stav u aktu broj 125/3-03/23 od 21.3.2023. godine.

**Zaključak broj 5:**

Također, nemamo saznanja da li se itko bavio analizom učešća predstavnika Sindikata u kontekstu primjene Pravilnika o disciplinskoj i materijalnoj odgovornosti zaposlenih u UINO?!

**Zaključak broj 6:**

U vezi sa izradom novog Pravilnika o ovlaštenjima i ovlaštenim službenim licima, i pored uključivanja predstavnika Sindikata, nismo upoznati u kojoj fazi se nalazi predmetni Pravilnik?!

**Zaključak broj 7:**

I pored propisanog roka od 31.03.2022. godine ni nakon godinu dana nisu okončane aktivnosti na izradi Pravilnika o službenom odijelu zaposlenih u UINO, a što je goruće pitanje s obzirom da su postojeće odore u vrlo lošem stanju, što stvara negativnu sliku o cijeloj instituciji. Molimo da nas informirate o čemu se tu konkretno radi?!

**Zaključak broj 8:**

Iako je dogovoreno objavljivanje rješenja o dodjeli novčane nagrade zaposlenim na internoj (INTRANET) stranici UINO, ista se ne objavljuju, osim na oglasnoj ploči Središnjeg ureda.

S tim u vezi očekujemo Vaše objašnjenje zašto se ne provodi navedeni Zaključak?

**Zaključak broj 9:**

Kada je riječ o službenim vozilima situacija je i više nego kritična. Vozni park je zastario, većina vozila i nije u voznom stanju ili su u vrlo lošem stanju čime se dovode u opasnost sigurnost i životi zaposlenih koji koriste ista u službene svrhe. Molimo da nas izvjestite šta je po predmetnom učinjeno?

Nadalje, kada je riječ o službenim iskaznicama, još uvijek ima zaposlenih koji nisu dobili službene iskaznice.

Na svojoj sjednici održanoj dana 24.02.2023. godine, Upravni odbor Sindikata donio je Zaključak o žurnoj dostavi predmetnog akta, te glede gore izloženog, molimo Vas da naložite provjere po svim točkama i da nas o istom izvjestite.

Također, iniciramo novi zajednički sastanak, te molimo da odredite termin održavanja istog, kako bi smo pripremili dnevni red sa svim neriješenim pitanjima iz problematike radno – pravnih odnosa zaposlenih u Upravi za neizravno oporezivanje.

S poštovanjem,

Dostavljeno:

- naslovu
- a/a



Predsjednica Sindikata UNO

Ana Mrnjavac